

13.09.2026

Час 1/6

Тропарь воскресный, глас 6:

А́нгельския си́лы на грóбе Твоём, / и стрегу́щи омертвѣша, / и стояше
Ма́рія во грóбе, / и́щущи Пречи́стаго Тѣла Твоего́. / Плені́л еси́ ад, не
искусі́вся от него́; / срѣтил еси́ Дѣву, да́руяй живóт. / Воскресы́й из
ме́ртвых. Го́споди, сла́ва Тебе́.

Сла́ва Отцу́, и Сы́ну, и Свято́му Ду́ху.

Тропа́рь Богоро́дицы (Положе́ние честна́го по́яса), глас 8:

Богоро́дице Присноде́во, челове́ков покрóве, / ри́зу и по́яс пречи́стаго
Твоего́ телесе́, / держа́вное гра́ду Твоему́ обложе́ние дарова́ла еси́, /
безсе́менным Рожде́ством Твои́м нетле́нна пребыва́ющи, / о Тебе́ бо и
естество́ обновляется и вре́мя. / Те́мже мо́лим Тя мир гра́ду Твоему́
дарова́ти / и душáм на́шим ве́лию ми́лость.

Конда́к Богоро́дицы (Положе́ние честна́го по́яса), глас 4:

Честна́го по́яса Твоего́ положѣ́ние / прáзднует днесь Твой, Препѣ́тая,
храм / и приле́жно взывáет Ти: / ра́дуйся, Де́во, / христиáн похвалó.

Час 3/9

Тропарь воскресный, глас 6:

А́нгельския си́лы на грóбе Твоём, / и стрегу́щи омертвѣша, / и стояше
Ма́рія во грóбе, / и́щущи Пречи́стаго Тѣла Твоего́. / Плені́л еси́ ад, не
искусі́вся от него́; / срѣтил еси́ Дѣву, да́руяй живóт. / Воскресы́й из
ме́ртвых. Го́споди, сла́ва Тебе́.

Сла́ва Отцу́, и Сы́ну, и Свято́му Ду́ху.

Тропарь Богородицы (Положение честнаго пояса), глас 8:

Богородице Приснодево, человеков покрове,/ ризу и пояс пречистаго
Твоего телесе,/ державное граду Твоему обложение даровала еси,/
безсеменным Рождеством Твоим нетленна пребывающи,/ о Тебе бо и
естество обновляется и время./ Темже молим Тя мир граду Твоему
даровати/ и душам нашим велию милость.

Кондак воскресный, глас 6:

Живоначальною дланию / умершия от мрачных удолий, / Жизнодавец,
воскресив всех Христо́с Бо́г, / воскресение подаде человеческому роду:
/ есть бо всех Спаситель, / воскресение и живот, и Бо́г всех.